

證治指南

上函卷三至卷五

徐靈胎醫書三十二種

證治指南卷三

眩暈 諸風掉眩皆屬於肝。肝乃竅於目。目為諸脉之維系。上屬於腦。後出於項。中邪中入深隨目系而入於腦。則腦轉。腦轉則引目系。急而眩暈作矣。

內因 眩暈屬肝木。以肝上連目系。而應於風故眩。為肝風。然亦有因火。因痰。因虛。因暑。因氣。因濕之同。

外證 眩者視物皆轉。暈者視物皆黑。目暗耳鳴。如立舟車之上。起則欲倒。不省人事。甚至良久方甦。是名鬱胃。如以物蒙其首。昏昧不知上下。

辨證 痰因濕滯。抑遏清揚。眩暈嘔惡。乃肥白人多濕痰眩暈。木旺風生。肝火內擾。眩暈心煩。此黑瘦人多肝火眩暈。腎水虧少。虛火炎上。眩暈耳鳴。此嗜欲人多腎虛眩暈。血液衰少。不能配氣。眩暈心悸。此亡血家多血虛眩暈。勞倦傷脾。清陽下陷。眩暈倦怠。此勞役人多氣虛眩暈。元陽寒冷。真火不歸。眩暈躁擾。此虛羸人多陽虛眩暈。抱怒不發。抑鬱清陽。眩暈多噦。此失志人多氣鬱眩暈。積飲不散。沃贍淫中。眩暈腸鳴。此好酒人多停飲眩暈。外感眩暈。風禦鬱則項強多汗。寒鬱則拘攣掣掣痛。暑禦鬱則煩悶喘濕鬱則重着身痰。此回氣乘虛眩暈也。

脈法 肝脉溢大必頭眩。風浮寒緊濕細暑虛飲弦痰滑瘀扎酒洪數大火邪濡大虛極。

治法 先理痰氣。次隨證治。外邪和解。清痰火。內虛固本。標自移。

辨治 眩暈抬頭屋轉。眼常化黑。視一為二。常如有物飛動。宜三五七散。秘旨正元散。加鹿茸。兼進養正丹。茸珠丹。若眩暈不可當。氣壯脉實者。大黃三次。酒炒乾為末。茶調下一錢。至三錢。風寒在腦。或感邪濕。頭暈重痛。暈逆者。三因芎辛湯。冒雨中濕。眩暈嘔逆頭重。本方去細辛芽茶。加茯苓。半夏。惡風眩暈。頭旋眼黑。惡心。見風即復者。半夏蒼朮湯。風虛眩暈多痰。導痰湯。加天麻。腎氣素虛。逆滿眩暈。沉香降氣下養。

正丹不應。八味丸加沉香。風鬱眩暈。川芎茶調散。痰厥暈眩。半夏白朮天麻湯。痰火眩暈。二陳湯加芎朮。連梔天麻七情鬱結。生痰眩暈。二陳湯加丁香木香白朮砂仁。早起眩暈。乃胃中老痰固結。古用黑錫丹。劫之。不若青礞石丸。鎮墜後用理中丸。調理痰結眩暈。胸滿惡心。牙皂末和鹽湯探吐。吐定服導痰湯。勞役眩暈發熱者。補中益氣湯加天麻兼嘔。六君子湯。虛喘加黃耆。陰火炎上。痰盛加熟附子。鹽水炒黑煎。成沖竹瀝姜汁。虛寒眩暈。脈細惡寒。附子理中湯。淫慾過度。督腎皆虛。而眩暈者。香茸八味丸。肥白人眩暈。心煩清火降痰。兼以補氣。黑瘦人眩暈。心嘈滋陰降火。兼以抑肝。死血眩暈。心脇作痛。宜飲韭汁酒。晨眩陽虛。補中益氣吞八味丸。昏眩陰虛。六味加麥冬五味白芍磁石。腎氣大虛。每遇風寒。即發眩暈。十全大補湯。濕氣在上。頭重眩暈。羌活勝濕湯。

死證

暈眩至極。言亂汗多者。死。時冒不利。卧亦旋轉者。虛極不治。

用藥

二陳湯加天麻蔓荊風加荊芥防風寒加羌活細辛。暑加香薷滑石。濕加蒼朮厚朴。火加黃芩山梔。氣虛四君子湯。氣陷補中益氣湯。血虛人參養營湯。腎虛鹿茸腎氣丸。陽氣久虛。胃寒必眩者。桂附八味丸。相火妄動。知柏地黃湯。肝火相煽。加減逍遙散。

選方

鹿茸腎氣丸

治腎虛不能納氣。眩暈脉虛者。

熟地

五兩

炙肉

三兩

鹿茸

三兩

丹皮

兩半

山藥

三兩

茯苓

兩半

澤瀉

半兩

兔絲

三兩

龜板

三兩

水炙

巴戟

三兩

石斛

三兩

為末

蜜丸

淡鹽湯

下三五錢

腎水不足。無以極養少火。而虛火炎上。不能納氣歸元。故眩暈不已。謂之腎虛眩暈。熟地補陰滋腎藏。莫肉秘氣滋精海。鹿茸壯元陽以歸腎。龜板壯腎水以滋陰。山藥益脾陰。茯苓滲濕熱。丹皮平相火。澤。

瀉瀉濁陰免絲補腎填精已戟補火溫腎石斛以退虛熱也丸以白蜜下以鹽湯使腎水充足則虛炎自退而真氣無不歸原何眩暈之有此補腎納氣之劑為腎虛眩暈之常本

頭痛 頭為天象諸陽之首六府清陽之氣五藏精華之血皆會於此惟經氣上逆干犯清道或邪氣外襲經氣不得運行則均能壅遏而為痛

內因 自外入者風寒暑濕之侵自內發者氣血痰飲之鬱或蔽覆清明或瘀塞其經絡與氣相搏則脈外證 頭腦痛連兩額屬太陽頭額痛連齒目屬陽明頭角痛連耳根屬少陽太陽穴痛屬脾虛巔頂痛屬腎目系痛屬肝

辨證 外感頭痛如破如裂無有休息內傷頭痛痛勢稍緩時作時止因風痛者抽掣惡風熱鬱痛者煩心惡熱濕鬱者重着而眩暈欲吐食鬱痛者惡食而發熱噯酸氣虛痛者九竅不利惡勞動血虛痛者魚尾上攻惡驚惕腎厥痛者下虛上實腰脚軟痠氣逆痛者牽引心脇胸滿嘔涎厥頭痛者侵犯大寒內至骨髓髓以腦為主腦中寒邪厥逆而頭腦皆痛真頭痛者引腦及巔陷入泥丸大痛手足清冷至節旦發夕死夕發旦死

脉法 寸口緊盛或短或弦或數或浮皆主頭痛浮弦為風浮洪為火細濡為濕滑大為痰短濇氣虛瀆治法 高巔之上惟風可到古方治頭痛每用風藥者取其味輕氣清陰中之陽自地升天者在風寒濕者固為正治即虛與熱亦必假此引經

辨治 頭痛除風寒外多主痰鬱痛甚者乃風毒上攻有血虛氣虛諸經氣鬱六氣外感勞役內傷之不同當分虛實寒熱施治痰多加味導痰湯風毒消風散血虛芎歸湯加葱豉全蝎氣虛六君子湯加葱豉氣逆蘇子降氣湯痰多宜吐者稀涎散加葱白火鬱宜下者涼膈散加清酒痰火俱盛源痰丸督脈為病

痛勢劇甚。茸珠丹。上熱下寒。頭痛便秘。既濟解毒湯。大寒犯腦。頭痛腦亦痛。羌活附子湯。頭痛嘔涎沫。吳茱萸湯。腦風頂背惡風。頭痛腦冷。當歸四逆湯。發散太過。頭痛轉劇。小建中湯。加當歸。童便。風火相煽。頭額眉睫俱痛。選奇湯。加葱豉。循蒙招尤。目瞑耳聾。肝虛風動也。六君子湯。加芎歸。羌活防風。甘菊鉤藤。頭痛耳鳴。九竅不利。氣虛火動也。補中益氣湯。加川芎。生地。蔓荊。甚加山梔。白芍。胃熱火炎。動作頭痛煩渴。便閉者。川芎茶調散。加酒炒芩連。梔子。石羔。勢甚脉實。酒炒大黃。末五錢。濃茶調服。微瘡毒發。頂起疔瘡。瘡塊遇冷痛甚者。山牛湯。傷濕頭痛。頭重不舉。羌活勝濕湯。不伏水土。頭腹俱痛。藿香正氣散。頭痛止則腹痛。腹痛止則頭痛。此脾虧血虛。胃中有火升降也。芎歸湯。加白芍。香連。不應再加香附。童便。葱白。眉睫骨痛。是肝火血虛。頭頂痛。是腎虛。肝厥。地黃逍遙輩。出入治之。

用藥 頭痛屬外感痰火。主以二陳湯。風加羌活。防風。寒加細辛。桂枝。濕加蒼朮。白芷。火加山梔。酒芩。熱鬱便秘。加酒大黃。細辛。芽茶。風熱加蔓荊。甘菊。天麻。太陽加藁本。陽明加白芷。少陽加柴胡。太陰加蒼朮。少陰加細辛。厥陰加吳茱萸。若屬氣虛。順氣和中湯。加天麻。川芎。血虛四物湯。加薄荷。甘菊。風驚火邪。清空膏。風痰內擾。玉壺丸。痰大內熾。石羔散。痰濕內鬱。芩辛湯。痰厥頭痛。半夏白朮天麻湯。腎厥頭痛。玉真丸。來復丹。肝虛生熱。地黃丸。肝火血虛。逍遙散。腎虛挾熱。地黃湯。腎水不虛。肝經火盛。龍膽瀉肝湯。

選方

順氣和中湯 治氣虛頭痛脈軟者

人參 錢半 黃耆 三錢 白朮 二錢 當歸 二錢 白芍 錢半 升麻 五分 柴胡 五分 川芎 一錢 炙甘草 八分

陳皮 錢半 蔓荊 錢半 細辛 五分 水煎去渣熱服

元氣不足。風邪得以乘之。清陽抑遏不舒。故頭痛焉。原與外感頭痛不同。人參扶元氣以禦邪。黃耆補

生地 五兩 升麻 一兩 黃連 兩半 丹皮 兩半 當歸 二兩 石羔 三兩 為散竹葉湯下三錢

風火上逆。肺胃受病。不能通調水道。故面部浮腫焉。生地滋陰以降心火。丹皮涼血以甯相火。黃連清

心脾之火。石羔清心胃之火。升麻散風邪以泄熱。當歸養營血以榮經。更以竹葉肅清膈上之熱。也使

風火兩除。則肺胃清肅。而決瀆有權。二便通利。何面腫之不退哉。此清火疎熱之劑。為風火面腫之

頭風 頭風即首風也。新沐中風。即為首風。頭風與頭痛無異。但新而淺者。名頭痛。久而深者。名頭風。

內因 頭為諸陽之會。腦為諸髓之海。賊風入腦。必挾痰火而後發。婦人每多患此者。素無中饋。以禦風

外證 頭汗惡風。當先風一日。則病甚。頭痛不可以出內。及至其風日。則病稍愈。有頭皮頑木不覺者。有

口舌不知五味者。或耳鳴嘈嘈。或目痛切切。或眉稜之間。間有一處不若吾體。

辨證 正頭風。滿頭皆痛。甚則項強拘急。偏頭風。只在半邊。在左多風熱。或血虛有火。在右多風濕。或氣

虛痰鬱。血虛痛者。朝輕暮重。氣虛痛者。朝重暮輕。風熱頭痛。遇熱則發。風濕頭痛。遇陰轉甚。濕鬱頭痛。綿

密無間。眩暈嘔惡。火鬱頭痛。喜煖惡光。面赤口渴。東風生於春。病在肝。目者。肝之竅。肝風內鼓。則邪害空

竅。故久患頭風。勢必害眼。

脈法 浮數者風熱。滑數者痰火。軟數是氣虛。不能攝火。虛數乃陰虛。不能配火。

治法 先宜涼血瀉火。佐以辛溫散表。外感發者。散邪則痛自去。內傷發者。養血則風自除。

辨治 偏正頭風。必挾痰濕。風火鬱遏經絡。壅滯血氣。宜砭去其血。以開其鬱。解其表。逍遙散出入。偏左

加山梔。葱豉。偏右加石羔。葱豉。鬱甚。合越鞠丸。兼濕。瓜蒂散。搐鼻。風火選奇湯。加石羔。葱豉。細芽茶。夜甚

加酒白芍。或川芎。茶調散。加甘菊。細辛。石羔。怒時即太陽作痛者。宜小柴胡湯。加茯苓。山梔。後以六味丸

加減。除根。頭痛必吐清水。食姜即止者。是中氣虛寒。宜六君湯。加當歸。黃耆。木香。炮姜。遇勞即發者。是陽

虛不能上奉。補中益氣湯。加蔓荊。頭風多宜熱藥。間有挾熱者。消風散。或川芎茶調散。加酒黃芩。頭風多汗。半夏蒼朮湯。濕熱。頭風。遇風即發。選奇湯。加川芎。柴胡黃連。名清空膏。偏正頭風。痛連魚尾。發則目不可開。眩暈不能擡頭者。芎辛湯。加全蠍。痰濕。頭風。導痰湯。合芎辛湯。偏正頭風。屬虛寒者。大追風散。寒痰厥逆。三因芎辛湯。腎氣厥逆。四肢不煖。多痰丸。玉真丸。頭風屬風痰者。二陳湯。加膽星。全蠍。天麻。頭風屬濕痰者。半夏白朮天麻湯。頭風厥逆。痰鳴。星香散。加生附子。熱厥。頭風。稍就溫煖便發。選奇湯。加川芎。柴胡黃連。生地當歸。黃柏。知母。荊芥。細茶。風熱。伏於血分。遇寒則熱。不得泄。而痛劇熱甚。實鑑石。煮散。頭風濕熱。內甚。二陳二朮湯。加芩連羌防。

用藥 痰主二陳湯。加蒼朮。南星。熱。加酒芩。連梔。血主四物湯。倍川芎。加荊芥。風。加防風。甘菊。辛散。加細辛。薄荷。以開發鬱火。微熱。加酒製大黃。以清上利下。頭痛起核。腦响如雷。名雷頭風。清震湯。頭大如斗。色赤。潰裂。名大頭風。普濟消毒飲。

選方

二陳二朮湯 治濕痰頭痛。脈弦細者。

半夏錢半

製錢半 蒼朮錢半

炒錢半 茯苓錢半

白朮錢半

陳皮錢半

甘草五分

生薑三片

水煎。去渣。溫服。

脾虧痰濕。閉遏清陽。不能分布營衛。以上奉於頭。故頭痛。經久已成頭風焉。蒼朮燥濕強脾。兼擅升陽。白朮助脾燥濕。力主健運。陳皮利氣。治生痰之由。茯苓滲濕。杜生痰之源。半夏燥濕化痰。兼醒脾胃。甘草調中緩逆。且和諸藥也。生薑煎服。使脾健氣調。則痰濕自化。而清陽敷布。頭痛無不自止。何頭風之有此。健中燥濕之劑。為痰濕已成頭風之端方。

捷徑法

偏正頭風。用草麻仁五錢。大棗肉五枚。共研如泥。以筋捲之。去筋。納鼻中。良久取下。清濁涕即止。此治痰涎久鬱之頭風法。如火鬱。用萊菔汁。仰臥注鼻。左痛注右。右痛注左。良。白芥子五錢。草麻仁五錢。川芎白芷末各一錢。搗成膏。貼患處。亦良。

逍遙散 六味丸 補中益氣湯 四物湯 二陳湯 星香散 俱見 越鞠丸 見鬱症 導痰湯 瓜蒂散

並見 選奇湯 消風散 清室膏 芎辛湯 玉真丸 俱見 小柴胡湯 見發熱 川芎茶調散 半夏蒼朮湯

三因芎辛湯 半夏白朮天麻湯 俱見眩暈

目疾 諸脈者皆屬於目。目得血而能視。五藏六府之精。俱會於目。而為之睛。太過則壅塞發痛。不及則耗竭失明。

內因 寒侵冷灌。火灼烟薰。風中腦戶。濕漬頭目。皆傷目之標。勞倦傷氣。色慾傷精。惱怒動火。嗜酒食辛。皆傷目之本。

外證 白睛紅赤。心火乘肺。眼胞赤腫。心火乘脾。黑睛五色花翳。乃肝虛火旺。童神光彩被翳。是腎虛火炎。赤脉貫睛。瀉痛心火。血虛也。肝熱多淚。心熱多眵。火盛則痛。水盛則癢。血虛多乾澀。氣虛多昏暗。精竭則眼昏。神耗則眼黑。風勝則痒。熱勝則脹。濕勝則弦爛。

辨證 童子黑眼法於陰。白睛赤脉法於陽。睛之窠為眼。骨之精為瞳。子筋之精為黑。眼血之精為絡。脉窠氣之精為白眼。肌肉之精為眇束。白眼屬肺。白氣輪烏珠屬肝。白風輪兩眇屬心。白血輪兩胞屬脾。

曰肉輪。瞳神屬腎。曰水輪。乾為天廓位。兩邊白睛中間。震為雷廓位。白睛上截小眇。兌為澤廓位。白睛下截向大眇。坤為地廓。屬上下眼胞。離為火廓位。大小眇。巽為風廓位。兩眼烏珠。艮為山廓位。兩眼神光。

坎為水廓位。兩眼瞳子。小兒火在上。火在下。則目明。老人火在上。水在下。則目昏。遠視不能近視。陽

不足。陰有餘也。近視不能遠觀。陽有餘。陰不足也。肝血不足。眼昏生花。腎水欠盈。神光短少。視一成二。俱屬陰虛。脾胃不足。九竅不利。目生白翳。兩目緊小。俱屬陽虛。目之內眥。乃太陽經起。繫於目之上綱。目之銳眥。是少陽經起。陽明經繫於目之下綱。足厥陰經連於目系。

脈法 寸脉洪數。心火內熾。關脉弦數。肝火內燭。尺脉浮數。陰火上炎。浮濡無力。為氣虛。微細無力。為陽虛。不可俱作火治。

治法 府證為表。當散風除熱。藏證為裏。當養血安神。暴發者。病標易治。久患者。傷本難痊。

辨治 內服湯藥。辛涼辛寒。以散其火。外用點洗。辛溫辛熱。以散其邪。設泛用苦寒藥。以阻遏其邪。則鬱火內攻。反成大害。且點藥。莫要於冰片。大辛大溫。若久用之。必致積熱入目。反成昏暗障翳。如妄用涼冷水挹洗。則火鬱不泄。暗蓋治實火。氣有餘者。降有餘之火。在乎破氣。虛火不足者。降不足之火。在乎滋陰。

用藥 初起宜疎風散熱。四物湯加荆防甘菊蜜蒙熱甚。加芩連。膽草山梔。連翹蔓荊。白蒺藜。隨證脉加減。久宜養血滋陰。四物湯加枸杞丹皮石斛五味。羌活沙蒺藜。虛甚加參芪。山藥麥冬。隨脉證施治。當以各經報使之藥佐之。亦有過服寒涼。以致陽氣虛衰。其火鬱甚者。當以溫補從治之。則火自降。目自明。若肉輪忽結成胞。三五日便生濃汁。俗名偷針眼。乃熱邪搏結。脾氣不能上敷。津液結於肉輪。以針頭破之。即瘥。雀目乃肝虛之候。肝屬木。木生於亥。旺於寅。絕於申。至於酉戌之時。木氣衰甚。遇亥始生。至日出於卯。木氣稍盛。是以夜暮無光。而曉復明亮也。宜四物湯加補腎生肝之藥。否則多有變黃腫而死者。眼臉屬脾。脾受風邪。則風從燥化。而拳毛倒睫。兩目緊急。以皮縮之所致也。須三稜針刺出血。石燕子磨汁點眼。黃連水洗目。皆可。

選方

登台指南
卷三
目疾
五

清風養血湯 治眼目赤腫疼痛脈浮數者

荊芥 錢半 防風 錢半 連翹 錢半 甘草 五分 水煎去渣溫服

甘草 五分 水煎去渣溫服

熱勝風淫入厥陰而上干肺氣風行地中故眼胞浮腫白精紅赤疼痛焉荊芥理血疎風防風散風退腫蔓荊散風熱專清頭目甘菊清鬱熱兼益金水黃芩清熱於內連翹散熱結於經川芎入血海以行頭當歸養血脈以榮目山梔清三焦之火甘草緩眼目之痛水煎溫服使風熱並解則經脈清和而眼目之赤腫疼痛無不退矣此疎風清熱之劑為眼目赤腫疼痛之尚方

捷徑法 治眼生雲翳

冬桑葉 七片 五倍子 三錢

煎水一碗乘熱舌大蘸入湯中良久其翳自落此方書之說姑錄之以備參考

又法 皮硝 一兩 銅綠 三錢 明礬 三錢 甘菊 三錢 側柏 三錢 桑皮 三錢

水五碗煎二碗洗兩眼及眉睫骨兩太陽湧出即痊

又法 弩肉侵睛用臘月雄猪膽入馬牙硝於內風乾為末入腦射點之

耳病 北方黑色入通於腎開竅於耳新聾多熱少陽陽明火盛舊聾多虛少陰腎氣不足

內因 腎通於耳所藏者精精盛則腎氣充足耳聞而聰若疲勞過度精氣先虛四氣得以外入七情得

以內傷遂致老鳴竅閉而漸聾也

外證 腎虛挾熱則耳鳴腎氣結熱則耳聾腎氣充盛則耳聰腎虛乏則耳聾

辨證 耳乃宗脉之所附宗脉虛則風邪乘之使經氣痞塞不宣是為風聾內必作痒或兼頭痛感氣上

逆為厥厥氣搏結於耳。是為厥聾。痞塞不通。必兼眩暈。勞役傷其血氣。淫慾耗其真元。耳竅失聰。是為勞聾。目不知節。必致久聾。火閉耳竅。煩熱失聰。必閉關瞶瞶。是為火龍。當頭面時赤。口渴便秘。腎虛竅閉。體弱失聰。氣怯神疲。是為虛聾。必精氣內脫。面目黧黑。

脈法

脈以尺為主。遲濡陽虛。洪動火熱。浮大為風。沉瀦氣滯。軟數氣虛。弦數陰虛。沉滑痰閉。伏瀦竅塞。

治法

腎竅於耳。能聽聲者肺。以肺主氣。一身之氣貫於耳。故治聾必先調氣。開鬱其次風為之疎。散熱為之清利。虛為之補益。鬱為之開導。痰宜洗豁。寒宜溫經。然後以安腎調營。聰耳之法佐之。

辨治

厚味積熱。兩耳俱聾。清腎散加減色慾動腎火。磁石地黃湯。相火旺者。知柏地黃湯。惱怒動肝火。加味逍遙散。膽火旺者。龍膽瀉肝湯。勞役傷中。補中益氣湯。氣衰火旺。加梔丹。風虛耳聾。排風湯。桂辛散。腎藏風虛。黃芪丸。氣虛。加人參。挾熱。去附子。肝腎虛火。姜蠟散。風熱耳聾。犀角飲子。暴厥耳聾。復元通氣散。去白丑。加全蠍。石菖蒲。川芎。生薑。葱白。吞養正丹。肝氣厥逆。頭痛耳聾。頰腫。四物湯加肉桂。吞龍膏丸。降火復元通氣散。調氣痰閉耳聾。滾痰丸。耳聾頰黑。為腎虛精脫。燒腎散。耳聾多怒。為肝膽虛溫。膽湯下養正丹。

用藥

風聾。清神散。加羌獨防風細辛。鬱聾。二陳湯。加香附鬱金烏藥。勞聾。補中益氣湯。加菖蒲遠志。虛聾。八珍湯。加遠志菖蒲。精耗耳聾。地黃湯。加五味枸杞。虛陽不歸耳聾。八味丸。加磁石鼈膠。肝膽實火。耳聾。小柴胡湯。加芎歸龍膽。山梔。脾胃實火。耳聾。清胃散。加芩連梔柏。腎虛陰火。耳聾。地黃湯。加黃柏知母。腎虛耳鳴。磁石地黃湯。痰火耳鳴。導痰湯。加連梔生地。耳痛屬風。宛如虫行。鼠粘子散。風熱者。乾痛。選奇湯。加生地山梔。風濕痛者。流水羌活勝濕湯。加減虛火痛者。痛有歇止。地黃湯。加鎮墜藥。耳前後腫痛。屬少陽經風火。小柴胡湯。加防風膽草。膿汁時出。為膿耳。鼠粘子散。加膽草梔連。耳痒。是腎虛風毒。敗毒散。加

嫩梢生地元參鮮血時出為耳衄實則柴胡清肝散虛則歸芍地黄湯

選方

清神散 治耳聾作痛脉浮數者

羌活 兩半 羚羊 兩半 防風 兩半 甘菊 三兩 去蒂 嘉蠶 三兩 木通 兩半 川芎 一兩 甘草 兩半 荊芥 兩半 菖蒲 兩半

為散水煎三錢去渣溫服

風熱內攻聽戶閉塞聰明之氣不行故暴聾作痛焉羌活疎散行氣於聽戶嘉蠶輕揚行氣於經絡防風散風調氣荊芥散風和血羚羊清肝火兼肅肺氣甘菊花解鬱熱並益金水川芎行血中之氣以聰耳菖蒲通耳中之竅以聽聲木通降心火利小便甘草緩中州和胃氣也為散煎服使風熱外解則清陽上奉而諸竅皆聰安有暴聾作痛之患乎此散風清熱之劑為暴聾作痛之常方

鼻病 肺位高體脆開竅於鼻蓋肺為嬌藏畏熱惡寒而應乎鼻故心肺有病鼻息為之不利

內因 人身水升火降營衛調和則鼻司呼吸往來不息若寒傷肺氣則鼻塞不利火鬱清道則香臭不

外證 肺受風寒鼻孔便塞肺藏伏火鬱極畏寒不因感冒而時常鼻塞乾燥者乃肺家素有痰火也

辨證 熱微則鼻流清涕為鼻欬熱甚則鼻流濁涕為鼻淵間有腦寒者必涕清不臭但覺腥穢而已鼻

齆得熱則紅赤得冷則紫黑此濕熱傷於肺藏感寒感熱故或赤或紫咸得見于鼻端也不嗜酒酪者為

肺風血熱鼻痠為寒邪鬱火內煽鼻痛是胃火挾痰上攻

左寸浮緩傷風鼻塞右寸浮洪肺火鼻齆

治法 外感風寒防風湯加羌活荊芥薄荷細辛辛夷白芷內伏火熱甘桔湯加連翹山梔黃芩花粉元

參桑皮內外兼病雙解散內火過盛涼膈散清氣不升補中益氣湯腎陰不朝六味地黃湯

運方

防風湯 治外感鼻赤脈浮微數者

防風錢半 黃芩錢半 川芎一錢 桔梗一錢 大力子三錢 甘草五分 水煎去渣溫服

外邪抑鬱火熱內熾風火相煽故赤色外見于鼻馬防風解散風邪於外黃芩清降肺熱於內川芎活血調營桔梗開提清肝大力子疎風解熱生甘草瀉火緩中也水煎溫服使風火並解則肺氣肅清而鼻赤無不退矣此疎風解熱之劑為邪鬱鼻赤之端方

捷徑法

凌霄花紅山梔等分為末茶調服三錢日再一夜卧用凌霄花朴硝末搗和津調塗之効或凌霄花同蜜陀僧調敷亦効甘桔湯

口唇

吉附

中央黃色入通於脾開竅於口藏精於脾故脾胃之華在唇四白而口唇之為病乃屬脾熱居多五味入口藏精於脾胃以養五藏氣味有所偏則五藏之氣乖和而病生焉

內因

肝熱則口酸心熱則口苦脾熱則口甘肺熱則口辛腎熱則口鹹胃熱則口淡此藏氣偏勝為病外證肝熱則口酸心熱則口苦脾熱則口甘肺熱則口辛腎熱則口鹹胃熱則口淡此藏氣偏勝為病謀慮不決肝移熱於膽而口亦苦脾胃氣弱木乘土位而口亦酸膀胱移熱於小腸隔腸不便上為口糜而生瘡潰爛熱積心胸濁氣薰蒸而口臭難聞此又藏氣移熱為病

辨證

心熱則舌裂而瘡肝熱則舌木而硬脾熱則舌澀而胎肺熱則乾斂失音腎熱則舌燥如鋸唇屬脾合胃風勝則動寒勝則縮燥勝則乾熱勝則裂熱鬱則生瘡血少則無色脾冷則紫脾敗則黑脾寒則青脾虛則白脾衰淡黃脾實紅赤唇肉腫起白皮皴裂名曰齲唇心脉繫舌本脾脉繫舌傍肝脉絡舌本腎脉循咽喉挾舌本中風痰則舌卷難言傷七情則舌腫難食三焦蘊熱則舌胎燥而咽乾心脾熱熾則舌麓恣而口苦氣虛則麻縱陰火則點黑濕痰則腫脹鬱熱則舌衄心脾之氣恒通於舌陽

明之經。直入齒縫。邪入心脾。則舌自挺。邪入陽明。則口自噤。一挺一噤。令人嚙舌。

脉法 脉洪數為實火。浮大為虛火。浮數為風火。沉數為濕火。

治法 五藏之氣總統於舌。七情六慾五味皆能傷之。法當隨其病而調之。服涼藥不愈者。此元氣不足。虛火上炎。非溫補不能奏捷。

辨治 口乾。蘭香飲子。口苦。龍膽瀉肝湯。口酸。佐金丸。如夏。麝。草。龍。膽。口辛。生脉散。加黃芩。桑皮。地骨皮。口鹹。六味地黃湯。加五味。烏。鯽。骨。胃熱。口淡。甘露飲。加廣藿香。胃虛。口淡。異攻散。加黃耆。當歸。胃火。齩。唇。清胃散。加減。脾火。齩。唇。犀角升麻湯。去白附子。加枳殼。石斛。肝脾鬱結。齩。唇。逍遙散。歸脾湯。腎虛。齩。唇。六味地黃湯。去萸肉。加麥冬。不應。加減。八味地黃湯。

用藥 心熱。口苦。黃連瀉心湯。肝熱。口酸。柴胡清肝散。脾熱。口臭。清胃散。肺熱。口辛。瀉白散。腎熱。口鹹。滋腎丸。謀慮不決。膽虛。口苦。逍遙散。為君。柴胡。膽草。為使。中氣不足。木乘土位。口酸。四君子湯。為君。芍藥。柴胡。為佐。勝。肌。遺。熱。口。糜。溺。瀉。導。赤。散。治下而口病自愈。中氣虛寒。胃陽上浮。理中湯。溫理其中。而上焦自安。腎虛火炎。八味丸。溫煖丹田。而火焰自熄。唇動。消風散。唇縮。理中湯。唇乾。三黃丸。唇裂。涼膈散。唇腫。米仁湯。舌病。風痰。二陳湯。加南星。竹瀝。鬱痰。二陳湯。加香附。鬱金。心胃熱鬱。涼膈散。心脾鬱熱。三黃丸。思慮傷脾。血耗火動。歸脾湯。鬱怒傷肝。血虛火旺。逍遙散。腎虛陰火。滋腎丸。風火。嚙。舌。犀角升麻湯。

選方

蘭香飲子 治脾熱口甘。脉數緩大者。

人參 錢半
石羔 五錢
知母 錢半
連翹 三錢
防風 錢半
桔梗 八分
升麻 八分
半夏 錢半
白寇 八分
去壳
蘭香 三錢
甘草 八分
水煎去渣。溫服。

按口甘為脾胃積熱。薰蒸清道。津液上溢。此本人參白虎湯。而製蘭香散子。內經所謂。治之以蘭。除陳氣也。但方中防風半夏豆蔻升麻。未免過於辛燥。曷不去此。而入麥冬五味。以滋化源。佐白虎以化胃熱。蘭香以除陳氣。與歸脾湯中。用木香之意不殊。或於竹葉石膏湯中。知母蘭香尤妥。

捷徑法

口瘡外治法

黃柏片蜜浸含之

舌出不收

冰片末搽之

口臭

香薷煮汁含之

舌腫出

草麻燃紙燒烟薰之

齒痛 齒為骨之餘。乃腎之所主。髓之所養也。上下斷屬手足陽明。其齒動搖脫落。或大痛微痛。出血不出。如欲脫之狀者。皆屬腎虛有火。如斷腫虫疳潰爛臭穢而不動者。皆屬陽明濕火。或兼諸經錯雜。

內因 膏粱厚味。濕熱上攻。致牙床不清。而為腫為痛。或出血。或生虫。而黑爛疰脫者。皆陽明濕火之變。若腎虛作痛。遇勞即發。夜分尤甚。煩躁面黃。口燥遺精。齒雖浮動。不即脫落者。此皆少陰虛火之證。

外證 精充則齒堅。腎衰則齒豁。虛熱則齒動。髓溢則齒長。腎虛牙疼。其齒浮。血虛牙疼。其齒痒。火熱牙疼。其齒燥。虫蝕牙疼。其齒黑。風熱牙疼。其齒腫。濕熱牙疼。其齒木。亦有風虛牙疼。吸風即痛者。寒熱犯腦。

齒痛連腦者。痰濕上逆。毒氣注痛者。欬嗽血瘀。齒間掣痛者。

辨證 上斷屬足陽明胃。下斷屬手陽明大腸。手陽明惡寒飲而喜熱。足陽明惡熱飲而喜冷。飲惡寒。

飲者是外吸風寒。惡熱飲者是內生濕熱。外有骨槽風走馬疳。一時損骨脫肉。務宜急救。或可挽回十一。

脉法

尺脉虛大為腎虛。細數為陰火。寸關浮數為風熱。洪數為火盛。

治法

齒根宣露。搖動作痛。悉屬腎虛。宜補腎填精為主。惡熱發熱。口臭作痛。皆屬胃熱。宜清胃疎熱。

辨治

濕熱內甚。斷腫齒痛。涼膈散。倍酒大黃下之。火鬱齒痛。升陽散火湯。腎虛齒痛。六味地黃湯。加骨

碎補。虛寒齒痛。八味湯。加細辛。風熱腫痛。荊防敗毒散。加生地連翹。風寒入腦齒痛。羌活黑附湯。得熱痛甚。得冷暫止者。小承氣湯。加甘草黃連。齒痛過勞即發。午後尤甚。此脾腎虛熱。補中益氣湯。下六味丸。胃經風熱腫痛。犀角升麻湯。齒痛口臭。清胃散。加蘭香。冷熱俱痛。當歸龍膽散。上甚。倍升麻。下甚。倍白芷。腎虛齒浮疼痛。小安腎丸。還少丹。間進黑錫丹。牙疳腐疼痛。人中白青黛冰片玄明粉為散。搽之。

用藥 陽明經齒痛。清胃散。加乾葛根黃芩連翹花粉山梔火盛。倍石羔。便秘加大黃。挾風加防風挾痰加貝母。酒毒加葛花。虫蝕加枳榔斷痒。加白芷斷爛加膽草勞倦傷中。胃虛齒痛。補中益氣湯。房勞傷腎。齒浮痛豁。六味湯。加元參枸杞。陽虛豁落。八味湯。加鹿茸補骨脂。陰虛浮動。涼八味。加龜膠阿膠。

選方

當歸龍膽散 治齒痛身疼寒熱脉浮緊數者

生地 五兩 升麻 兩半 黃連 兩半 麻黃 兩半 膽草 二兩 白芷 兩半 草薢 炒 一兩 歸梢 二兩 羊脰灰 三兩

為散。每用少許擦牙疼處。良久有涎吐出。

風寒留戀。遏熱不解。傷營氣而病及於齒。故齒痛身疼寒熱。麻黃開表。逐邪於外。黃連瀉熱。清心於內。生地滋陰涼血。歸梢破血調營。升麻散陽明之邪。白芷散太陰之邪。膽草平肝膽之火。草薢化中州之氣。羊脰骨灰補骨以固齒也。為散擦牙。俾風寒外散。則遏熱頓消。而營氣調和。寒熱自解。牙疼無不自痊。何身痛之有。此和血散熱之劑。為風寒遏熱牙疼之端方。

外治法

寒痛 乾姜華撥細辛煎湯漱之。
火痛 石羔朴硝牙皂荊芥煎湯漱之。
虫痛 苦參煎湯漱之。

齒痛寒熱 華撥胡椒為君。細辛石羔為佐。研末擦牙。自效。或云橄欖細嚼。亦効齒痛。